



# চট্টগ্রাম সিটি কর্পোরেশন জনসংযোগ শাখা প্রেস বিজ্ঞপ্তি

চট্টগ্রাম- ০৪ মে ২০১৮ খ্রি.

## নোয়াপাড়া শেখ বায়তুল জান্নাত

### জামে মসজিদের শুভ উদ্বোধন করলেন সিটি মেয়র

চট্টগ্রাম নগরীর ৩৮ নং ওয়ার্ডস্থ শেখ পাড়া এলাকায় এলাকাবাসীর অর্থায়নে প্রায় ১ কোটি ২৫ লক্ষ টাকা ব্যয়ে ২য় তলা পর্যন্ত নির্মিত জামে মসজিদ ৪ মে ২০১৮ খ্রি. শুক্রবার জুমার নামাজ আদায়, মোনাজাত এর মধ্য দিয়ে শুভ উদ্বোধন করেন চট্টগ্রাম সিটি কর্পোরেশনের মেয়র আলহাজ্ব আ.জ.ম নাছির উদ্দিন। ৪তলা ফাউন্ডেশনের মসজিদটির বাকী ২ তলা নির্মাণাধীন রয়েছে। জামে মসজিদ উদ্বোধন উপলক্ষে সমবেত মুসল্লিদের উদ্দেশ্যে মেয়র আ.জ.ম নাছির উদ্দিন বলেন, আল্লাহর ঘর মসজিদ নির্মাণে আল্লাহ তায়ালা শক্তি ও সাহস যোগান দেন। তিনি বলেন, মসজিদে ৫ ওয়াক্ত নামাজ আদায় করা সম্ভব হলে জীবনে শান্তি ও -শক্তি পাওয়া যায়। মেয়র আ.জ.ম নাছির উদ্দিন বলেন, ইচ্ছা ও অদম্য উদ্যম থাকলে অসাধ্য কাজ সাফল করা যায়। মসজিদ উদ্বোধনী অনুষ্ঠানে বিশেষ অতিথি ছিলেন ৩৮ নং ওয়ার্ড কাউন্সিলর গোলাম মোহাম্মদ চৌধুরী, ৩৭ নং ওয়ার্ড কাউন্সিলর সফিউল আলম, মসজিদ কমিটির সাধারণ সম্পাদক নুর মোহাম্মদ, হানিফ, বাদশা, নেজাম, হাসান, সাইফুল ইসলাম, সেলিম, মহসিন সহ অন্যান্য মুসল্লিরা উপস্থিত ছিলেন।

চট্টগ্রাম- ০৪ মে ২০১৮ খ্রি.

## অর্থনৈতিক অগ্রযাত্রা টেকসই করতে হলে শিক্ষা খাতে বিনিয়োগের বিকল্প নেই কাপাসগোলা সিটি কর্পোরেশন বালিকা উচ্চ বিদ্যালয়ের ২য় পূর্ণমিলিনী-২০১৮ অনুষ্ঠানে সিটি মেয়র

চট্টগ্রাম সিটি কর্পোরেশনের মেয়র আ জ ম নাছির উদ্দিন বলেছেন, শিক্ষা ক্ষেত্রে বিনিয়োগ সর্বোৎকৃষ্ট বিনিয়োগ। অর্থনৈতিক অগ্রযাত্রা টেকসই করতে হলে শিক্ষা খাতে বিনিয়োগের বিকল্প নেই। কিন্তু শিক্ষার উৎপাদন সুদূর প্রসারী ও দীর্ঘমেয়াদী। জাতীয় জীবনে এর প্রভাব ও সুফল অবশ্যস্বাভাবিক। একটি জাতিকে সামাজিক, রাজনৈতিক ও অর্থনৈতিক ক্ষেত্রে উন্নয়নের উচ্চ শিখরে আরোহন করতে হলে সর্বাগ্রে প্রয়োজন শিক্ষা। জাতি গঠনের শ্রেষ্ঠ মাধ্যম হচ্ছে শিক্ষা। শিক্ষা এমন একটি পদ্ধতি যার মাধ্যমে জ্ঞান ও দক্ষতা অর্জন করা সম্ভব। একটি জাতিকে উন্নত করার পিছনে শিক্ষা ও যোগাযোগ ব্যবস্থার উন্নয়ন অপরিহার্য। বাংলাদেশ শিক্ষাক্ষেত্রে অনেক দূর এগিয়ে গেছে। বাংলাদেশ এখন উন্নয়নের রোল মডেল। বাংলাদেশ উন্নয়নশীল দেশে উত্তীর্ণ হয়েছে। ২০২১ সনের মধ্যে মধ্যম আয়ের দেশে পরিণত হবে। ৪ মে ২০১৮ খ্রি. শুক্রবার, বিকেলে কাপাসগোলা সিটি কর্পোরেশন বালিকা

উচ্চ বিদ্যালয়ের পূর্নামিলনী-২০১৮ অনুষ্ঠানে প্রধান অতিথির বক্তব্যে মেয়র এসব কথা বলেন। অনুষ্ঠানে অত্র বিদ্যালয়ের প্রধান শিক্ষক আলা উদ্দিন সভাপতিত্ব করেন। অনুষ্ঠানে বক্তব্য রাখেন কাউন্সিলর সাইয়েদ গোলাম হায়দার মিন্টু, ২১ নং ওয়ার্ড কাউন্সিলর শৈবাল দাশ সুমন, অত্র শিক্ষা প্রতিষ্ঠানের পূর্নামিলনী অনুষ্ঠানের আহবায়ক মিসেস সাবরিনা রশিদ, যুবনেতা হেলাল উদ্দিন সহ সহ সংশ্লিষ্টরা বক্তব্য রাখেন। দিনব্যাপী অনুষ্ঠানে সাংস্কৃতিক অনুষ্ঠান, ফ্যাশন শো সহ নানা ধরনের অনুষ্ঠানাদি পরিবেশিত হয়।

চট্টগ্রাম- ০৪ মে ২০১৮ খ্রি.

### **সিটি মেয়রের সাথে পদ্মা অয়েল কোং লি. এমপ্লয়ীজ ইউনিয়নের মতবিনিময় শ্রমিক নেতাদের সৃষ্টি ঐক্য ও সৃজনশীল মানষিকতা গড়ে তোলার পরামর্শ মেয়রের**

৪ মে ২০১৮ খ্রি. শুক্রবার, দুপুরে, নগরীর মুসলিম হলে চট্টগ্রাম সিটি কর্পোরেশনের মেয়র আলহাজ্ব আ.জ.ম নাছির উদ্দিন এর সাথে পদ্মা অয়েল কোং লি. এমপ্লয়ীজ ইউনিয়নের নেতৃবৃন্দ মতবিনিময় করেন। এসময় ইউনিয়নের সভাপতি মোহাম্মদ জসিম উদ্দিন, সাধারণ সম্পাদক শেখ মো. আইয়ুব, যুগ্ম সাধারণ সম্পাদক শফিউল আজম, সাংগঠনিক সম্পাদক তোফায়েল আহমদ, দপ্তর সম্পাদক বখতেয়ার মিয়া, কমিটির নেতা মো. ইয়াহিয়া খান, মো. সাহাদাত হোসেন, আবদুল মতিন, মোস্তাফিজুল আলম, জামশেদ কালাম বাবুল, প্রদীপ দত্ত, আশফাকুর রহমান, দুলাল চন্দ্র মালি, আবদুন নুর সহ অন্যরা উপস্থিত ছিলেন। মতবিনিময় অনুষ্ঠানে চট্টগ্রাম সিটি কর্পোরেশনের মেয়র ও চট্টগ্রাম মহানগর আওয়ামীলীগের সাধারণ সম্পাদক আলহাজ্ব আ.জ.ম নাছির উদ্দিন বলেন, শ্রমিকদের ঘাম ও শ্রমে বিশ্ব সভ্যতা গড়ে উঠেছে। এ শ্রমিক শ্রেণী ঐক্যবদ্ধ থাকলে তাদের অধিকার আদায়ে কোন ধরনের প্রতিবন্ধকতা থাকবে না। তিনি শ্রমিক মালিক ও সরকারের ত্রি-পক্ষীয় সু-সম্পর্ক বজায় রেখে শিল্প প্রতিষ্ঠানের উৎপাদন বৃদ্ধি ও শ্রমিকদের ন্যায্য অধিকার বাস্তবায়নের উপর গুরুত্বারোপ করেন। মেয়র শ্রমিক নেতাদের সৃষ্টি ঐক্য ও সৃজনশীল মানষিকতা গড়ে তোলার পরামর্শ দেন।

চট্টগ্রাম- ০৪ মে ২০১৮ খ্রি.

### **সৃষ্টিশীল ও সৃজনশীল মননের অধিকারিরা মন্দকাজ করতে পারে না**

-----**আ জ ম নাছির উদ্দিন**

চট্টগ্রাম সিটি কর্পোরেশনের মেয়র আলহাজ্ব আ.জ.ম নাছির উদ্দিন বলেছেন, সৃষ্টিশীল ও সৃজনশীল মননের অধিকারিরা মন্দকাজ করতে পারে না। মন্দকাজ কারোর জীবনে কল্যাণ বয়ে আনে না। মেয়র ধর্মীয় বিষয়গুলোর উপর বিশেষ গুরুত্ব আরোপ করে বলেন, যারা ধর্মীয় রীতিনীতি জীবনে মেনে চলে এবং পারিবারিক বন্ধন অটুট রাখে তাদের দ্বারা অন্যায়, অনৈতিক কোন কার্যক্রম হতে পারে না। আ জ ম নাছির উদ্দিন বলেন, ডাক্তার, ইঞ্জিনিয়ার হওয়ার প্রতিযোগিতা পরিহার করে ভাল ও আলোকিত মানুষ হওয়ার প্রতিযোগিতা থাকলে তারা আদর্শবান নীতি ও নৈতিকতা

সম্পন্ন মানুষ হিসেবে গড়ে উঠবে। তাদের দ্বারা সমাজ, দেশ ও জাতি উপকৃত হবে। মেয়র দেশপ্রেম ধারণ করে শিক্ষার্থীদের আলোকিত মানুষ হওয়ার উপর গুরুত্বারোপ করেন। ৪ মে ২০১৮ খ্রি. শুক্রবার, বিকেলে সামাজিক সংগঠন সৃজনশীল ক্লাব এর উদ্যোগে গরীব মেধাবী ও দুস্থদের মাঝে শিক্ষা সামগ্রী বিতরণ, চিত্রাঙ্কন ও কুইজ প্রতিযোগিতার পুরস্কার বিতরণ অনুষ্ঠানে প্রধান অতিথির ভাষনে মেয়র এধরনের গুরুত্বারোপ করেন। সংগঠনের উপদেষ্টা ও ৮ নং শুলকবহর ওয়ার্ড আওয়ামীলীগের সভাপতি মোহাম্মদ আতিকুর রহমানের সভাপতিত্বে অনুষ্ঠিত অনুষ্ঠানে জাতির জনক বঙ্গবন্ধু শেখ মুজিবুর রহমানের ৭ মার্চের ভাষন ৮ বছরের শিশু আল হাসনাত মাসুম শিহাব এর কণ্ঠে হুবহু উচ্চারিত হয়। এছাড়াও ৮ নং শুলকবহর ওয়ার্ড কাউন্সিলর মো. মোরশেদ আলম, ২১ নং ওয়ার্ড কাউন্সিলর শৈবাল দাশ সুমন, বাংলাদেশ আওয়ামীলীগের কেন্দ্রীয় উপ কমিটির সাবেক সহ সম্পাদক দিদারুল আলম, মহানগর কৃষকলীগের যুগ্ম আহবায়ক আনোয়ার হাফিজ, আওয়ামীযুবলীগ নেতা মোহাম্মদ পারভেজ, সাহেদুল ইসলাম সাহেদ, মোস্তাক আহমেদ টিপুর আহমেদ হোছাইন, সৃজনশীল ক্লাব এর উপদেষ্টা ফখরুল হাসান ফরহাদ, ছাত্রলীগের কেন্দ্রীয় সাবেক সহ সম্পাদক আবদুল্লাহ আল মামুন, মহানগর ছাত্রলীগের উপ সম্পাদক ও ক্লাবের উপদেষ্টা রাশেদুল আলম চৌধুরী, জিসান চৌধুরী, অভিজিৎ দে ব্লুমুর, আকিব,তানজিল ইসলাম, বেলাল, সৃজনশীল ক্লাব এর সভাপতি মো. আদনানুর রহমান, সাধারণ সম্পাদক মো. আশিফুর রহমান, বিশ্বজিৎ জয়, সুফিয়ান, মহিউদ্দিন,রাহিন, ফারুক, মোজাম্মেল, সাকিব, রাফি, রাহী,রাকীব,সজিব, আমির, রাক্বী, নিজাম,জসিম, ডালিম, মুন্না,আকরাম, আল আমিন, ফয়সাল, নিব্বুম, শিবলু প্রমুখ বক্তব্য রাখেন। অনুষ্ঠানে মেয়র শিক্ষা সামগ্রী ও পুরস্কার বিতরণ করেন।

**সংবাদদাতা**

**মো. আবদুর রহিম**

**জনসংযোগ কর্মকর্তা**

**চট্টগ্রাম সিটি কর্পোরেশন**